

1005
435
1



下總
賢俊之

一火紙二水紙三黑風紙四月枝紙五夜叉紙六初機初葉紙

三國佛法傳通緣起卷上

弘前監官
江氏藏書記

東大寺沙門 凝然 述

法界
正仰也

夫毗盧遮那釋迦世尊本則非古非今離待對於思
議之門迹則能今能久開救攝於機感之路迦毗羅
城示降誕之迹摩訶陀國顯果極之德道樹祇林飾
七處九會之嘉運仙苑提河播三行一實之宏儀法
門八萬隨應宜緣教迹十二契會體義畢波之窟三
藏分路鐵圍之洞二諦異衢衆聖應時降臨諸賢託
緣出現西天弘大小之法東土敷權實之教故覺母
文殊送四百五十之年序補處彌勒有九百餘歲之
降下各弘佛世之親聞俱傳實道之契範迦多衍那

立八捷之章訶梨跋摩分四諦之段三論是正觀之
幽旨五論乃中實之玄奧出現南天造之降下中印
說之十八五百小宗之諍論二十三十大乘之唯識
龍軍堅慧演深奧之義馬鳴無性五卓朗之宗東邦
弘通專守印度之車範西國流演要思震且之治潤
教法傳通普遍為心諸國非一眾域悉布連陸之嶮
境隔海之群土任那百濟皆傳梵天之教新羅高麗
俱資印度之宗五印封壇各有邊國皆弘佛法建興
真俗具陳事迹難知難言且就三國示傳法迹一明
天竺宗源二陳震且傳法三述日域弘通廣相難述
略舉塵露

天竺佛法傳通

如來是開法之大師餘人乃稟教之助化如來成道
第二七日說華嚴經小乘六七日等後說四諦等法
成道二年度五比丘三年度三迦葉及千比丘四年
在象頭山為龍鬼說法五年度舍利弗目連及二百
五十弟子舍利弗七日得羅漢六年建祇洹精舍七
年為婆陀和菩薩等八人說一卷般舟經如是十二
年一一明說法相十二遊經第十二年佛還父王國
中本起經六年時還十二年中說四諦教三十年中
說般若經四十年後八箇年說法華或五年說十六
年時說維摩經菩提留支云成道五年說大般若云

云十六年時說大集經第十年時說如來藏經二十
八年說瓔珞經二十九年說摩訶般若金剛般若天
王問般若光讚般若三十八年說解深密經四十二
年說觀無量壽經與法華初集同年觀經猶前於圓
寂時說涅槃經如來一期四十九年隨緣制戒隨宜
說教前後森羅佛滅度後衆聖結集分大小異開五
乘別如來滅後五師持法各二十年優婆塞多時橫
分五宗二百餘年大衆部中分出九部三百餘年至
四百滿上座部中分十一部本末合成爲二十部根
本二部百年時分此是小乘諸部分派如來以律付
優婆離自爾已後次第傳付僧祇律中列二十七人

善見論中列二十四人善見論七百年時造二百三
十六年師子國中佛法流傳如來滅後一百年中提
婆設摩羅漢造識身足論三百年初尊者世友造品
類足論三百年中迦旃延子造發智論三百年末世
友造粵身足論四百年時五百羅漢造婆沙論九百
年時達磨多羅造雜心論六百年時馬鳴菩薩造起
信論等七百年時龍樹菩薩造大無畏論年論十二
門論智度論等堅慧菩薩七百年時造法界無差別
論九百年時世親菩薩造俱舍論衆賢論師造順正
理論顯宗論世親菩薩三十頌等諸論皆此時造其
後十大論師各釋三十唯識華嚴法華龍樹誦傳無

著菩薩造攝大乘本論無性天親各作解經天親菩薩造淨土論解釋三經又造十地論釋華嚴十地品龍猛菩薩初開鐵塔值金剛薩埵受法灌頂大弘真言教龍智菩薩傳受流布久住世間大利後代自餘諸教流布五印廣多無量難可具陳震且所弘一十三宗皆以天竺所弘爲本毗曇俱舍依天竺諸毗曇等成實論宗即依訶梨跋摩律宗即依五師傳持三論即依龍樹提婆涅槃宗即依本經地論宗依十地經十地論淨土是依三經一論禪法達磨以心傳心迦葉阿難等二十八祖傳正法眼藏攝論宗即依無著世親本釋二論天台宗即依法華建立圓頓一乘

華嚴宗即依三部華嚴十地論等法相宗依解深蜜經瑜伽論等真言秘宗即依內證真說三部蜜藏本經儀軌等如是諸宗皆有所依經論等教依此立宗義理極成行用可軌化益無窮震且佛法傳通

如來滅後一千十六年佛法傳漢地翻譯弘通自爾已後諸教漸傳隨譯依行講敷流演或從西土傳之或於此國立義皆以佛經爲大據以西天論爲所憑漸次弘傳超世繁興揔有十三宗則漸漸流傳一毗曇宗二成實宗三律宗四三論宗五涅槃宗六地論宗七淨土宗八禪宗九攝論宗十天台宗十一華嚴

宗十二法相宗十三真言宗上來所列多依興起弘傳講敷次第舉之

毗曇宗

夫毗曇宗者是薩婆多部如來滅後三百年初上座部中離分立異後後分離皆從此出若約本源如來滅後一百年時第五傳法優婆塞多下橫分五部薩婆多部即其一也三百年初薩婆多者是後分部取百年時薩婆多名義同彼故如雜心法救取婆沙法救三百年初者指滿三百年時言初如來滅後三百餘年迦多衍居士大阿羅漢造阿毗曇八捷度論苻秦僧伽提婆共竺佛念譯為二十卷與唐朝玄奘所

譯發智論二十卷是同本也如來滅後四百年時六百年間五百羅漢造大毗婆沙釋發智論玄奘譯之為二百卷昔北涼天竺浮陀跋摩譯為百卷号舊婆沙兵火所燒六十卷存解三捷度七百年時法勝羅漢嫌婆沙太博略撰要義作二百五十偈名阿毗曇心譯成四卷世号法勝毗曇東晉瞿曇僧伽譯又有法勝阿毗曇心論六卷優婆塞多造為利弟子於法勝論加增義理高齊那連提耶舍共法智譯十年之間達磨多羅尊者以婆沙太博四卷極略更撰三百五十偈足前四卷合六百偈名為雜心有十一卷宋代僧伽跋摩譯衆事分阿毗曇十二卷宋天竺三藏求

那跋陀羅譯與玄奘所譯品類足論同本異譯骨露
味阿毗曇二卷尊者瞿沙造曹魏代譯失譯人名薩
婆多宗根本有七發智本論為身以六足論為足言
六足者一集異門足論舍利弗造有二十卷二法蘊
足論十二卷大目捷連造三施設足論迦多衍那子
造其論未譯上三足論並佛世時造四識身足論十
六卷佛滅百年提婆設魔羅漢造五品類足論十八
卷符蘓密多羅唐云世友造六界身足論三卷亦世
友造上二並佛滅三百年末造五事毗婆沙論二卷
尊者法救造如來滅後九百餘年世親菩薩造俱舍
論梵本九千頌玄奘三藏譯為三十卷與陳真諦三

藏舊譯俱舍論二十二卷同本異譯順正理論八十
卷衆賢論師造破俱舍義顯宗論四十卷衆賢論師
造直顯有宗正義毗曇薩婆多宗論藏東流分齊部
數如是依學此等諸論名毗曇宗然大唐代貞觀已
前學舊毗曇玄奘新譯已後專學新翻諸論俱舍為
本兼學發智六足毗婆沙等聲薩婆多幽旨俱舍為
門名俱舍宗俱舍論主顯雖辨明薩婆多義而密經
部所立為善未必婆沙評家為本隨自所好取捨造
論諸師多釋新俱舍論普光法寶神泰圓暉等師是
也新譯有宗皆玄奘三藏翻所傳也三千門入七十
達者服膺鑽仰大唐一均無不習學昔東晉第九主

孝武帝諱暉太元十六年辛卯北天竺罽賓國瞿曇
僧伽提婆晉云衆天創譯法勝毗曇四卷此即東夏
毗曇宗之初也當日本國人王第十七代仁德天皇
七十九年辛卯自爾已來迦延毗曇八捷度論雜心
毗曇優婆扇多六卷心論舊毗婆沙舊俱舍等數朝
漸譯諸師各講相承弘通橫豎甚昌唐朝新譯有宗
諸論大小十部傳譯詳悉舉世講敷造疏述章諸師
競學蘭菊諍表

成實宗

夫成實論者如來滅後八百九十年罽賓國小乘薩
婆多宗英學之近鳩摩羅陀上足弟子中天竺國婆

羅門子訶梨跋摩此云師子鎧之所造也跋摩本是
數論外道苗裔學者弘彼宗法所計豎強後棄邪出
家即學有部宗然彼跋摩概羅陀所宗近在名相意
致未玄遂從轍僧祇兼學大小鑽仰九經研究三藏
二部五部貫統無遺二百五百包括盤音道振罽賓
聲流諸方造成實論弘其所宗二百二品十有六卷
成卷四諦建章五聚明義卯度翫之諸處學之昔姚
秦弘始十三年辛死當日本國人王第十九代反正
天皇御宇六年辛亥羅什三藏初譯此論明年十四
年九月十五日譯訖此依開元錄明若依南山大師
內典錄云弘始八年譯成實論開元錄主智昇法師

依成實論後記作此說也羅什譯論命僧叡令講之
什公三千門人皆弘此論講敷研尋橫豎不絕即道
生僧肇道融曇影慧觀道恒慧嚴僧標僧毅僧敦等
是也厥後宋代僧導法師初作論疏其門人僧音慧
威並善成論講敷弘通慧嚴弟子法智亦善成實道
高法師作義疏八卷齊僧鍾法師慧次法師梁三大
法師謂光宅寺法雲開善寺智藏莊嚴寺慧旻龍光
法師法安法師慧珠法師僧洎智順法寵慧韶等講
學弘通橫豎專昌成實論宗梁世盛旣陳世繼弘宣
武寺洪偃法師彭城寺寶瓊法師白馬寺警韶法師
栖霞寺慧布法師並是陳世名哲各競弘持成論瓊

公講成實論九十一遍撰玄義二十卷即講其義滿
二十遍成論文疏一十六卷通別解義無有所遺警
公講論五十餘遍四方義學雲集奔波隋代慧暉法
師靈裕法師智脫法師道莊法師等並提義綱精研
法網至于唐朝者勝光寺道宗莊嚴寺保泰弘業寺
道慶莊嚴寺慧月武丘山智琰法師等俱弘成論東
持攝化如來滅後經一千三百六十年至姚秦弘始
十三年初譯成論次第弘傳橫豎繁昌唐朝中運已
後講成實者漸少如來滅後九百年時彌勒菩薩降
下中印說五部大論即是大乘甚深法相正是傳說
佛在親聞爾前大乘法相未弘故龍樹等大乘論師

建立法相專用小乘薩婆多等性相法數彌勒無著
世親已後大乘論師即用大乘所說法相提婆堅慧
等大論師等多守先規亦用小乘諸部法相震且諸
師唐朝玄奘歸朝已前並用小乘所立法相三論天
台涅槃宗等皆用有宗法數法門或諸師中具用成
實論宗法相如梁三大法師等是貞觀年後法相一
宗專弘自宗大乘深廣顯了法相華嚴一乘即用大
乘法相法義兼用小乘如愚法小乘所說法義是梁朝
光宅大師日本國上官王三經疏中全用成實法相
立義隨世所用法應爾故

戒律宗

如來滅後經一千十六年天竺佛法創傳震且即後
漢永平十年丁卯也其後摠經一百八十三年戒法
未傳至曹魏嘉平二年庚午行十人受此時戒法初
傳受行此是曇無德四分律宗所說戒體創所納得
而其廣律未傳漢地厥後經一百五十五年至姚秦
弘始六年甲辰譯十誦律是廣律初傳也次弘始十
二年庚戌譯四分律此是如來滅後經一千三百五
十九年此曇無德四分律宗廣律初傳當日本國反
正天皇御宇五年庚戌此後漸次僧祇五分二律傳
譯四分雖傳未廣講敷頻講餘律非是純一四分傳
後經五十六年至元魏亦云北魏第六主文帝延興

元年卒死此年即當宋第六主明帝泰始七年并日本國、人王第二十二代雄略天皇、御宇十五年辛亥佛滅度、後經一千四百二十年、其後有北臺法聰律師、本學僧祇開通精詳、而考震嶺初受專以四分羯磨、傳或章以授作四分、疏將二十家、或立衆章、或著諸鈔、天下齊均、地際平歲、梁陳隋唐次第傳承、普天率土橫豎弘敷、各被世門、俱沾時賓、礪宣素三宗互諍、其金玉鈔主要家峙立、義鋒資持會正、兩宗蘭菊昔姚秦弘始庚戌譯四分律、已來東晉餘運有一千歲、宋朝八主五十九年、南齊五主二君二十三年、梁朝

四主五十六年、陳朝五主三十三年、隋朝三主三十七年、唐朝二十主二百九十年、唐朝之後五朝繼起、一、梁朝三主十六年、其初年當日本國延喜七年丁卯、二、後唐三主十三年、初年當日本國延長元年癸未、三、大晉三主十一年、當日本國朱舊天皇御宇承平六年丙申、已後四、漢朝二主四年、當日本國村上天皇御宇天曆元年丁未、已後五、周朝三主九年、當日本國天曆五年辛亥、大宋朝初、當日本國天德四年庚申、入宋朝後、經三百十三年、至等十五、主度宗皇帝咸淳十年甲戌、此數代中律法昌行、包攝詭括、講通開敷、師資相繼、橫豎弘傳、然咸淳八年壬申、德

祐改元而復咸淳。此年蒙古伐國，帝避往南蠻國。從咸淳十一年方用蒙古年號，即號至元十二年乙亥也。蒙古名太元國，此年當日本國建治元年乙亥。至元年號至三十三年丙申。其次大德元年丁酉，當日本國永仁五年丁酉。大德已後，于今經十五年，即至辛亥。蒙古伐國已後，律法廢絕，不行。雖有講通事，不如法問越海人如是陳語。

三論宗

中觀論百論十二門論是名三論。若加智論，即有四論。姚秦弘始十一年己酉，羅什三藏譯出中論四卷。當東晉安帝義熙五年，日本國人王第十九代反正。

天皇御宇四年己酉，十二門論一卷弘始十一年譯。百論二卷弘始六年甲辰譯。智論百卷弘始四年壬寅。初譯至同七年乙巳歲末譯。揚解座四論並什師譯。百論提婆所造餘三，並龍樹造。羅什三藏生龜茲國少年之時，往北天竺，隨罽頭達多學。諸阿含經往北竺時，年甫九歲，十二母携還于龜茲。到沙勒國，一年留住，誦阿毗曇六足論等。什公已還龜茲國，隨沙車王之子須利耶蘇摩習學。三論年滿，受具從卑摩羅叉學。十誦律，于後往五天竺廣學。內外大小諸典亦還龜茲。大弘佛法年六十三，至東晉朝西涼州。厥後經十九年，至姚秦國。弘始二年己後，傳譯經論諸。

宗本教多以羅什所譯為源三論宗以羅什為神州
高祖成實論宗亦什師譯天台宗以法華經中論智
論為本為源立三觀義菩薩戒宗梵網為本阿彌陀
經淨土本經金剛般若諸宗皆既般若心經諸師服
膺維摩詰經諸宗解釋皆是羅什三藏所譯龍樹菩
薩三論高祖真言秘藏龍猛所傳十萬華嚴龍樹所
誦大不思議論龍樹大士造天台亦以龍樹為高祖
智論三智一心中得中論三諦偈等此等並是所憑
所立宗義曇鸞法師專仰龍樹為淨教高祖十住婆
沙難易二道為立教本中論一部天竺釋之有七十
家其中無著菩薩造順中論護法論師釋提婆百論

並安歸命阿闍梨句世親菩薩亦註百論安慧菩薩
釋中觀論如是法相諸祖解龍樹提婆論布貴道詮
有言四河入海同從無熱池而出七宗分鑪俱從三
論宗而公三論是七宗之本諸宗是三論之末取顯
密諸宗龍樹為祖真言秘藏專在龍猛羅什三藏譯
三論竟舉世講說通國習學三千門人皆悉鑽仰八
宿上首各互弘通道生上足有曇濟法師道朗僧詮
繼踵弘敷法朗吉藏承跡永藍僧導道温宋代耀燈
僧鍾智林齊朝飛風慧勇慧布並陳朝敷教慧哲法
燈同隋世弘宗至入唐朝風光彌昌智枝慧瑜法敏
慧璿慧眺雲眷元康玄壁如是等師橫豎弘布彌綸

普天敷遍廣地者也

涅槃經

北涼高祖武王元始三年甲寅天竺曇無讖三藏初譯涅槃經至同十年十月二十三日譯竟一部四十九卷文義周備焉初譯之年當東晉安帝義熙十年姚秦弘始十六年日本人王第二十代允恭天皇御宇三年甲寅南山內典錄云此涅槃經摠十萬偈今出四帙止三萬偈所少二分有餘若具本文以唐言度則百有餘卷上本經已譯舉世開敷宋慧靜法師曇無成法師僧莊法師道汪法師靜林慧定是斌超集法瑤道登曇度道盛如是等諸師開宗立義製疏作

章師資相承弘通多端立此名涅槃宗講通流傳不絕隋朝慧遠法師意在涅槃彼門人智微法師興涅槃宗相州法礪律師學涅槃宗西河道綽多講涅槃南山宣師意在涅槃京地法寶立涅槃宗舉五時教攝大小典大日本國昔於大安寺真言院之傍弘涅槃宗講敷彼經名常修多羅宗是也

地論宗

華嚴大經有七處九會其第六會十地一品龍樹菩薩於海龍宮誦此華嚴經九會等十萬頌文出闍浮提流布五印後人摘第六會十地一品別行流傳菩薩造論釋此一品即堅慧菩薩金剛軍菩薩等其人

也如來滅後九百餘年天親菩薩釋十地經名十地論即第六會十地一品別行五天名十地經天親論中具牒本經一一解釋昔後魏亦云北魏第七主宣武帝永平元年戊子之歲四月上旬命北天竺三藏菩提留支此云道希并中天竺勒那摩提此云寶意及傳譯沙門北天竺佛陀扇多并義學諸儒一十餘人在太極紫蓬初譯此十地論上皇自親筆受後付沙門僧辨等至同四年辛卯之歲夏首譯竟一部十二卷始末整足焉留支勒耶各譯一本光統律師自解梵文合兩三藏對御和會成一本永平元年戊子當梁高祖天監七年戊子日本入王第二十七

代御宇繼體天皇二年戊子十地宗義創被神州光統律師十地宗匠光統門人有慧順法師道慎法師俱為神解之秀各立若干門輩靈裕慧藏慧遠智矩並隋朝高匠道宗法侶靈幹辨相俱唐朝法英齊朝大僧統合水寺法上者地論涅槃之高德也道慎師事稟承所宗大禪定寺靈璨法師隨淨影寺慧遠習學地論辨相法師亦從遠公慧覺法師著十地疏如是諸師講敷地論建立宗旨非一眾多唐朝聖運盛弘華嚴地論實是一會法門後代漸次講者不多屬華嚴宗非別宗故淨土宗

前魏之世，康僧鎰三藏譯，無量壽經二卷。宋世，魯良耶舍三藏譯，觀無量壽經一卷。姚秦，羅什三藏譯，阿彌陀經一卷。如來滅後，九百餘年，天親菩薩造，無量壽經優婆提舍一卷，名淨土論。亦名往生論。後魏，菩提留支翻譯，弘之。曇鸞法師受之。留支留支授觀無量壽經，鸞師註淨土論。道綽禪師歸宗，爲祖。善導承繼，造疏，弘宗。懷感法照，少康，知玄，盛弘，淨教。昔廬山，慧遠法師創開蓮社，弘持淨教。十八賢衆修習淨業，乃至後代，開敷彌昌。後世，慈雲元照等師，弘敷淨教。橫豎耀光，念佛法門，未代，規矩三經一論，爲所憑教。上古廬山法師，中古曇鸞道綽善導懷感等師，後代

慈雲靈芝靈芝律師，先學律宗，次學台宗。宗有所證，次亦弘律。南山律師，三大律部各施記解。後研淨教，二十餘年，取捨諸師，作二經疏，陳自正義，依承者衆。記述非一。天下淨教皆歸彼，義行業義解事在一均。泉涌後，苟不可棄。法師遠越波瀾，入宋學法，正傳台教律宗。兼傳靈芝淨教，即是淨教相傳，規模厥後。彼寺宗師智鏡，大德入宋，傳律亦習淨教。遂還本寺，昌弘所學淨教。所傳泉涌爲本。然日本所弘皆用善導。鏡公本學善導，彼此兼包，取捨在意。後二大德允公阿公皆兼京師靈芝二途，兼正兩門，亦在意慮。禪宗

禪門法理由來良久三代僧傳皆舉習禪之德數世
法匠多有靜慮之學或初開荒途或自尋教典並學
路之由藉宗途之漸次也梁室已後學道稍多或達
磨門葉或餘宗兼匠慧勝慧景道善意學僧那慧滿
覺明心地諸大乘宗皆有禪法教相觀行要飛雙輪
天竺傳法第二十八祖菩提達磨梁朝嘉運西來化
物以心傳心事超言象義在純一非兼帶域正法智
眼次第相付靈知妙心連續傳授慧可僧璨風憚相
隨道信弘忍芬郁端肅五祖之下南北分宗南宗亦
開五家七宗北宗純一未必相諍五祖弘忍之下有
神秀禪師是北宗始祖普寂禪師承于神秀寂禪師

下有道璿禪師日本天平八年丙子來朝住大安寺
弘所習學禪法律法璿公以禪授與同寺行表和尚
行表授之最澄大德最澄大德後習天台即入唐受
法開比叡山大弘天台宗兼弘禪法日本禪法傳教
大師養其風芳與台宗禪一均弘通南宗禪法後代
甚昌五家之後亦分二宗摠号七宗南宗禪法後代
之中稍施芬郁日本禪法近代當世華洛餘方流傳
甚昌

攝論宗

攝大乘論者無著菩薩解釋阿毗達磨經十萬頌中
攝大乘一品天親菩薩更作釋論解本論文真諦三
藏梁代西來至陳第二主文帝天嘉四年癸未別譯

本論三軸成部翻譯釋論爲十五卷釋論之中真諦
門人各講此論師資相承立義製疏義勢森羅施其
光用諸師既習号攝論宗慧曠法師親從真諦三藏
聽攝大乘論普光寺法常法師真諦孫弟於攝大乘
專所精研法常弟子有智儼法師講敷華嚴兼研攝
論道岳法師慧休法師並攝論揚名僧辨大德靈潤
大德俱攝宗播德捫巖寺神素弘地攝二論仁壽寺
海順亦通地攝兩宗崇聖道場靖嵩法師專弘攝論
大興國寺法祥大德是慧遠弟子兼研攝論十地如
是陳隋唐朝諸師翫攝大乘講文製疏天下一均無
不服膺然攝大乘法相宗論玄奘三藏傳法相宗普

天九州無不靡風攝大乘論入法相宗通暢顯揚無
有異路或唯識論引六部經十一部論成唯識義攝
論是隨一法相宗專學之十殊勝語貫諸法義佛法
淵府窮源盡性而已

天台宗

北齊之代慧文禪師修得無生法忍開顯一乘妙理
此當梁之末陳之初運焉綱領整足證道精義次南
岳慧思禪師精大詮而廓爾入妙理而朗然登相似
之階居根淨之位大陳之世化儀祥々顯揚一乘引
發三昧次有天台智者大師稟承南岳入法華場妙
悟開發證陀羅尼位登五品身備十德開四教路通

八萬詮立五時門判五千法陳隋二代敷演天被神
 地九州化儀廣布自爾已來師資相承弘通繁昌敷
 演縱橫章安是結集之匠荆谿乃記述之英行滿道
 邃如天之日月知禮仁岳似時之鸞鳳遐方弘演終
 古流通當是天台教觀而已

華嚴宗

昔東晉第十主安帝義熙十四年戊午覺賢三藏傳
 譯六十華嚴經厥後諸師講敷衆哲開演製疏作章
 釋文立義翻譯本經當日本國人王第二十二代允恭
 天皇御宇七年戊午至陳之嘉世有社順禪師是清
 涼山文殊應化居終南山弘布華嚴開五教止觀立

三重法界圓融妙義方提綱領智儼大師發揮五教
 證悟六相開濟彌綸香爲大師普賢應迹顯揚一乘
 恢弘十宗清涼圭山高張圓網淨源師會廣轉教輪
 杜順尊者年三十七終南九州盛播法化即當日本
 國人王第三十四代推古天皇御宇元年癸丑即隋
 開皇十三年癸丑也杜順大師至大唐第二主太宗
 皇帝貞觀十四年庚子入滅春秋八十四于時智儼
 大師年三十九第三高祖香爲賢首大師大周則天
 聖后嘉運大播化儀一天歸敬四海朝宗大唐第六
 主玄宗皇帝先天元年壬子賢首入滅春秋七十當
 日本國人王第四十三代元明天皇御宇和銅五年

壬子大唐第十四主文宗皇帝開成四年己未清涼
大師入滅春秋一百有二當日本國人王第五十四
代仁明天皇御宇承和六年己未
法相宗

大唐第二主太宗皇帝貞觀十九年乙巳玄奘三藏
從西天還譯所實經論等弘所習法相宗三千門人
七十達者四般上足一秀入室舉世學法相宗經國
習唯識教出萃高足一般入室慈恩基師即其人也
二藏眼目百本疏主目放神光口流辨河溜洲撲揚
繼踵敷教義忠如理並肩立義因內二明騰羽翼於
義天教觀兩門馳論乘於法地後代連踵不絕永世

履蹤無廢

真言宗

大唐第六主玄宗皇帝開元四年丙辰善無畏三藏
始屆長安東夏之中創弘秘教當日本國人王第四
十四代元正天皇御宇靈龜二年丙辰三藏創譯大
日蕪悉地經等及諸儀軌等開元八年庚申金剛智
三藏初到東都大賈秘教梵本翻譯轉授弘通開元
庚申當日本國養老四年庚申不空三藏年甫十四
隨金剛智方來東夏至三十七往南天竺遇龍智菩
薩更受金剛頂瑜伽五部秘藏等天寶五年丙戌歸
至上都當日本國人王第四十五代聖武天皇御宇

天平十六年丙戌玄宗深敬勅令譯經即金剛頂經
般若理趣諸儀軌等密藏所有諸經秘典并密嚴仁
王等諸部經教大開譯場皆悉翻傳善無畏等三人
三藏皆隨龍智菩薩習學真言隨諸三藏受秘教者
各盡懇志其數其多不空三藏弘傳尤久興善含光
新羅慧超慧辨又慧果元曉覺超慧琳等並隨不空
三藏習學秘教如是諸師弘密藏者大唐甚多不可
具舉上來所陳一十三宗大小諸教並是震且漢地
之中所傳興宗上古已來乃至後代漸漸傳興競行
流演此十三宗旨歸多途或是大小二教轍異如毗
曇成實是小乘宗律宗一藏教在小乘行通大小震

且日域諸師所興律是大乘直入一乘三聚圓戒於
律儀行用諸律藏諸部律藏與大一故菩薩萬行所
應行故菩薩戒律未傳來故自餘十宗皆是大乘或
是化制二教義別律宗是制餘皆化教或性相二宗
分途如法相唯識是法相宗華嚴天台等是法性宗
或聖道淨土宗異如淨土教是淨土宗餘宗皆是聖
道教宗諸大乘宗有說淨土所立義門屬彼彼宗不
應別立為一宗教然一類機別成教行如善導等故
為別宗或禪教兩門或顯密二教如是分路無不括
盡如來滅後一千十六年後漢第二主顯宗孝明帝
永平十年丁卯摩騰羅漢賁佛經等始來漢地當大

日本國入王第十一代垂仁天皇御宇九十六年丁卯自爾已來大小乘經律論漸次傳來西來三藏遠越嶮路方入漢境以隸字替于梵書以漢語易于天語所詮義理彼此不別名之翻譯匡詳不易復有從漢往梵之者法顯三藏初開荒途其後徃徃至彼者衆博譯聖教繼續甚多橫堅數朝滿二十代古來諸師隨所樂經各事講學互立門輩弘所習學若以此爲宗宗承甚多焉或從天竺傳來弘之或放漢地立宗傳之建立雖多取廣翫習不過十三如上已列雖十三宗後代澆漓漸次廢怠所學不多

三國佛法傳通緣起卷上

三國佛法傳通緣起卷中

東大寺沙門 凝然 述

大日本國諸宗傳通

夫大日本國人王第三十代天國排開廣庭欽天皇御宇十三年壬申十月從百濟國創傳佛法彼國主聖明王自作願文送獻日本聖朝乃金銅釋迦佛像并幡蓋等及經論若干卷是也次第第三十一代聖主淳中倉太珠敷敏天皇御宇六年丁酉十一月復從百濟國彼國之王獻經論若干卷并律師禪師比丘尼咒禁師造佛工造寺工六人遂安置於難波大別王寺聖德太子六歲時也明年七年太子披覽彼經

論選六齊日禁斷殺生下勅詔於諸國普禁殺生如是漸々佛法傳世持法之僧從他國來佛法漸弘人皆歸信其間有守屋大臣破滅佛法等事以太子方便國皆歸佛法堂塔多興寺宇廣造推古天皇御宇佛法僧宗特昌諸宗漸傳衆教大興佛法初傳漢地之後三百餘年佛法從漢傳百濟國厥後百濟一百餘年壬申之年法傳日本是故日域佛法監觴從百濟來隨朝佛法未傳日域推古天皇御宇十五年丁卯太子遣妹子於大唐衡山召先身道具等厥後第三十七代聖主孝德天皇御宇白雉四年癸丑道照和尚往大唐國隨玄奘三藏學法相宗自此已後

漸漸往還諸師習學佛法而還傳法高僧往還傳法乃至後代往々不絕日域佛法摠有八宗古來諸師漸漸傳之

一三論宗二法相宗三華嚴宗四俱舍宗五成實宗六律宗七天台宗八真言宗隨一一宗陳弘傳相

三論宗

百濟佛法傳日域後至推古天皇御宇三十三年乙酉經七十四年當大唐高祖武德八年乙酉此年高麗國王貢僧慧灌來朝此乃三論學者隨大唐嘉祥大師受學三論而來日本是日域界三論始祖而未講三論曩玉而未開從此前年觀勒法師自百濟國

來此亦三論宗之法近亦未講通法教至第三十七
代聖主孝德天皇御宇乃請元興寺僧高麗慧灌法
師令講三論其講竟日任以僧正此乃日本僧正第
二勝寺觀正然僧綱補任記云慧灌或作法師第三
十四代推古天皇御宇三十三年任僧正焉有此異
說若會異說本元興寺有九僧正謂慧觀觀勒慧師
慧輪等前後補任此等僧徒皆為聽眾講論竟日摠
預勸賞多人任僧正矣慧灌僧正以三論宗授福亮
僧正福亮授智藏僧正智藏越海入唐重傳三論遂
乃歸朝弘通所傳是第二傳也智藏授法道慈律師
道慈第四十二代聖主文武天皇御宇大寶元年辛

丑越海入唐摠傳六宗三論為本在唐學法一十八
年第四十四代元正天皇御宇養老二年戊午道慈
歸朝此年遷都於奈良經十一年道慈於唐賣西明
寺圖樣而來即奉勅詔遷古京本大安寺於奈良
京任西明寺圖樣華構周備即於彼寺弘在唐所學
宗三論為本兼弘法相真言等宗道慈在唐十八年
間普學大唐所有諸宗善無畏三藏開元四年丙辰
來唐道慈在唐具經三年其間道慈隨善無畏習學
真言大安寺有慶俊律師善議大德隨從道慈俱學
真言慶俊大德專以真言為其本宗乃愛宕山本願
也三論一宗從唐土傳有三代傳一云慧觀僧正傳

二云智藏僧正傳三云道慈律師傳孝德天皇御宇
大化二年丙午慧師慧輪智藏三般同時任僧正是
三論講竟日之勸賞也智藏上足有三般近乃道慈
智光禮光也智光禮光奈良新元興寺住侶立仙光
院弘通法宗莊嚴極樂房圖安養依正安置彼房是
智光法師所建立也如來滅後經一千五百七十四
年乙酉之歲慧觀來朝來朝之後二十一年未廣講
敷大化二年丙午初開三論講場此即佛法傳日本
後經九十五年始講三論其第二傳智藏僧正未詳
時代應勘僧史第三傳者道慈律師大寶元年辛丑
初傳之後經七十七年當大唐第六玄宗帝開元六

年戊午善無畏三藏來唐之後經三年焉道慈天平
十六年甲申十月入滅年七十餘善無畏三藏於唐
翻譯大日經後來日本國初著東大寺西南之阿耨
傳云結庵後廬來目寺東院之岫經二箇年七百二
十日住其間建立多寶大塔高八丈移南天鐵塔之
半分以佛舍利三粒納寶塔之底以大日經七軸安
刹柱之下然後三藏還大唐國開元二十三年乙亥
入滅春秋九十九當日本國天平七年乙亥善無畏
三藏來至日本年代未詳然開元十二年已後翻譯
大日蘇悉地蕪婆呼經三藏為一行禪師講大日經
隨講記錄成二十卷此即一行具以三藏講授口傳

如言記之。全是三藏自親解釋。非一行自作。只是具結集最初草本。弘法大師傳之。弘通唐朝後。人取捨文句。或爲十卷十四卷等。開元十五年丁卯十月。一行入滅。春秋四十二。當日本國聖武天皇御宇。神龜四年丁卯。其後善無畏應是來日本國。即神龜五年戊辰。次天平元年己巳二年。庚午應此時代。未立東大寺前。當此寺西南之阿結庵居住。了後弘法大師於此處所建立真言院。惣言南院者是也。其後三藏歸大唐者。應是天平三年己後焉。三藏西來。先譯求聞持法道慈傳。求聞持法者。即隨此傳受道慈律師。於日本國。應謁善無畏。其時道慈造大安寺。土木終

功昌弘宗教道慈授三論法義於善議善議授法於安澄。勤操西大寺實敏大僧都受法於安澄。大德即弘之。彼寺西大寺三論宗者。實敏所弘也。自爾己後。彼寺學三論宗。名哲繼踵。橫堅弘通。弘仁聖代。玄毅律師製三論大義抄四卷奉勅詔造之。法隆學問寺昔元弘三論宗布貴道詮及貞玄律師等。即法隆寺三論宗也。近代弘法相宗從昔習學太子三經疏。近代已來昌致學業。本元興寺本學三論。遷彼寺於平城都。已來專弘三論。智光禮光俱住。彼寺智光授法於靈毅法師。靈毅授之於藥寶法師。藥寶授之願曉律師。此等諸德皆元興寺三論宗也。願曉授法於

聖寶僧正聖寶者七大寺之檢校也以三論為本宗兼學法相華嚴因明俱舍成實顯宗義途精竅究暢秘藏真言研窮旨歸包括之德無敵對者遂於東大寺建東南院以為永代三論本處即以宣旨元興寺三論知識供見遷于東大寺此寺元學三論八宗兼學自昔傳來人王第六十代醍醐天皇御宇延喜五年乙丑聖寶建此三論本處補此院主者乃三國相承三論長者昔者諸寺之中三論碩學以官府宣為宗長者東南院主代々碩德皆為其選至第七十一代聖主後三条天皇御宇殊以東南院務為宗長者所被宣下東南院務聖寶已後于今一十八

代顯密兼學作宗貫首但勝賢一寺中衆徒從昔至今學三論者並有繼踵互奪金玉俱諍蘭菊永觀珍海樹朗重譽並中古學英乃智解鸞鳳也明遍真敏秀慧覺澄俱近代名哲是學識玉鏡也厥後樹慶智舜快圓定春等繼踵騰旨不可勝計者也

法相宗

法相大乘應理圓實宗亦曰唯識宗亦名普為乘教玄奘三藏往中天竺大傳此宗還支那國講弘天下三藏上足有慈恩基師基師上足有淄洲師淄州上足有撲揚師嫡祖相承橫豎彌昌此法相宗弘傳日域朝代非一師承有數昔欽明天皇御宇壬申之歲

百濟佛法創傳此國厥後經一百二年至第三十七代孝德天皇御宇白雉四年癸丑道昭和尙越海往唐遇玄奘三藏學法相宗即當唐朝第三主高宗皇帝永徽四年癸丑玄奘三藏年五十一慈恩大師齒二十二道昭與三藏宿在同房與慈恩同學久在門下受學積年提誘慇懃特傳觀門干後歸朝即弘所傳三藏新翻經論諸典創傳日域即其人焉第二傳者道昭入唐之後經於六年至第三十八代女帝齊明天皇御宇聖德太子四年戊午智通智達兩般法師乘新羅船往大唐國遇玄奘三藏學法相宗大日本國此戊午歲始行維摩會為永代規矩兼學法於慈恩

大師後還本朝大弘宗旨第三傳者道昭入唐之後經五十一年至第四十二主文武天皇御宇大寶三年癸卯新羅智鳳智鸞智雄三師俱奉勅命渡海入唐謁撲揚大師學法相宗或遇玄奘慈恩學智宗旨者然二師入滅經年序遂歸本朝大弘宗教智鳳慶雲三年丙午維摩講師第四傳者道昭入唐之後經六十四年至第四十四代女帝元正天皇御宇靈龜二年丙辰玄昉法師渡溟入唐乃謁撲揚智周大師研法相宗丁時智周年三十八唐開元四年也玄昉法師在唐學法經二十年第四十五代聖武天皇御宇天平七年乙亥七月歸朝大於所傳妙揚宗旨四代連綿各傳宗教而智

鳳門業經世甚昌玄肪所傳與鳳一合事無異途惣
通弘演道昭和尚授法於行基菩薩也智鳳智鸞各
授法於義洎僧正義洎有七人上足謂玄肪僧正行
基菩薩宣教大德良敏大僧都行達大僧都隆尊律
師良辨僧正也道慈律師亦從學法即成八人然道
慈律師雖學諸宗三論爲本故專爲彼宗祖師普興
福元興南北兩寺學者衆多競立義理因內二明互
諍金玉朋黨相扇成兩寺異乃至當代興福一寺學
侶繼踵論難彌昌並是智鳳玄肪後裳門業而已然
法相宗雖興福寺根本所學而諸寺多學無不弘敷
謂延祥僧正守印大法師守寵法師神叡小僧都廣

達大法師勝虞大僧都護命僧正明詮僧都平備已
講施平律師長源已講峯基律師賢應已講玄宗和
尚如是等師皆是元興寺法相宗也仲繼律師明哲
律師長朗律師戒明和尚慧達大僧都眞慧律師隆
光律師平智律師藥仁已講義聖律師義叡小僧都
藏祚小僧都慈念律師等並藥師寺法相宗也東大
寺本願良辨僧正者雖建東大寺專弘華嚴宗而元
隨義洎僧正學法相宗故東大寺兼弘法相良辨弟
子或有華嚴法相兼學如安寬律師標瓊律師鏡忍
律師等或有唯華嚴宗如良興小僧都良慧大僧都
永興律師等三修律師平仁已講明一大德義濟已

講法藏僧都圓藝已講等並是東大寺法相宗也恭
演律師善海律師玄毅律師實敏大僧都平詮大法
師忠芬小僧都常騰小僧都延善小僧都浮珍已講
等並西大寺法相宗也大安寺亦有法相宗道慈律
師入唐學法歸朝之時最初講慈恩七卷章自爾已
來法相餘風大扇彼寺法隆寺中古已來習學法相
于今甚昌藥師寺習學法相于今弥昌興福寺者自
晉已來乃至後代專學法相學侶繁昌論難彌昌學
侶不知數鑽仰不限年智海潘六義峰峙峙欲陳述
其相承次第橫堅支流難舉盡且舉一流嫡祖次
第智鳳義淵宣教大法師賢環大僧都明福小僧都

延賓已講空晴僧都真喜僧正林懷大僧都主恩大
德或經教永超僧都湛秀已講覺晴大僧都藏俊贈
僧正覺無僧正貞慶上人貞慶之後乃至當代若于
英哲智德無非皆是貞慶後裔門流六宗長官自昔
孤在法相一宗補興福寺別當之人遂此前途應和
已後被置權官維摩大會行在興福遂業遂講非唯
專寺他寺他宗亦遂洪業
華嚴宗
大日本國傳佛法後諸教漸弘諸宗亦昌華嚴圓宗
傳來是久然華嚴宗古德記述日本佛法初傳年代
摠有二說一昔新羅學生大安寺審祥大德記云檜

隅蓋入野宮御宇宣化天皇即位三年歲次戊午年
十二月十二日從百濟國佛法傳來宣化天皇即第
二十九代帝主也二東大寺圓超僧都延喜十四年
甲戌奉詔撰華嚴宗并因明章疏目錄彼序中云
磯城嶋金指宮御宇欽明天皇十三年佛法始傳矣
雖有二說若依多分圓超所說以為正錄由此義故
華嚴學者應以超錄定法初傳宣化天皇戊午年後
經十五年至欽明天皇御宇十三年壬申彼戊午歲
雖佛法傳事是草創趾基未廣不以爲定壬申初傳
事歷天下是故諸家多以爲定壬申已後至第四十
五代天瑞國押開曹櫻彦聖武天皇御宇天平八年

丙子之歲經一百八十年此年七月二十日大唐道
璿律師來朝璿公是華嚴寺普寂和尚之弟子普寂
即華嚴宗法近隨北宗神秀禪師傳達摩禪法璿公
隨普寂習傳華嚴及以禪法亦明律宗亦善天台宗
達菩薩戒璿公賣華嚴宗章疏始傳日本如來滅後
至此丙子之歲已經一千六百八十五年宗教雖傳
而未講弘當時有一高德沙門諱曰良辨凝神真原
垂化俗林悲智潛用難可思焉欲弘此宗深發誓願
決徹彌固遂感靈夢有一紫衣青裙僧從東方虛空
下來告云汝欲弘演此一乘教請嚴智師以為座主
方於不空羂索之前可令開講云夢覺喜躍感悅無

極然嚴智師在元興寺良辨和上即往彼寺請彼大德其師答云吾名是嚴智而心非嚴智然新羅學生大安寺審祥大德是真嚴智應請彼師講敷華嚴僧正良辨乃往彼寺屈請彼師大德辭之再三愍請固辭不向僧正和上于是奏聞仍以勅請此時方向遂以天平十二年庚辰十月八日於金鍾道場即棟羅素堂也亦名法華堂大集京城各僧大德以審祥師為其師宗方講宣此大華嚴經初講之時上現紫雲且覆春山聖朝穀覽奇歎無量乃施綵帛一千餘疋天皇皇右及諸卿等施八衣等不可勝計取年天皇四十滿賀始弘一乘穀感祥々由茲天皇即發弘誓大

願於此一乘極為尊重特詔隆為務救濟為心矣遂以天平十六年歲次甲申歸命三寶降勅百寮肇建知識華嚴別供自爾已後每年不絕恒昌講敷為永代式然則此華嚴宗平城御宇勝寶感神聖武皇帝為其初興大檀主以傳遐世天皇以東大寺為首於諸大寺弘六宗教厥中大華嚴經最是根本法輪如來成道第二七日說覺帝人王最初同崇乃斯華嚴一乘而已故勅詔曰當今實爾何生恠恨願同趣者莫撥莫退勤勤學悟此一乘之大義已當知此宗最初傳者天平八年大唐道璿律師乃其人也講弘傳者丙子之後經五箇年天平十二年庚辰審祥禪

師乃取近也發願初興者即良辨僧正是其英也良辨本隨義淵僧正學法相宗彼七人上足之一也今正發願初興華嚴金鍾道場執金剛神者良辨僧正之本尊也良辯元名金鷲仙人是弥勒應迹自造彌勒像安羅索堂執金剛神放光照內裏良辨奉祈聖朝安隱音聞內裏已達上聞乃被立勅使良辨奏聞奉禱聖朝安隱建立大伽藍祈禱懇志深契穀慮迺先賜以羅索堂以公家土功造營已畢此處名金鐘寺天平庚辰華嚴初講即在此堂天平五年癸酉初造羅索院而此院中有二月堂安十一面像寶忠和尚現身昇兜攬天遷四十九院中

觀音院行業勸請補陀落山觀音為堂本尊修懺悔法兼安小像為堂本尊今此不空羅索觀音物名金鐘寺後立東大寺為彼所管處華嚴本經物有三部六十華嚴自昔已傳而未講演徒積年序隱密不弘八十華嚴大唐證聖元年乙未之歲始開譯場至聖歷二年己亥之歲首尾五年翻譯摠訖聖曆己亥當日本國文武天皇御宇三年己死之曆丁後天平八年丙子玄昉法師後在正費一切經來即傳此經于後天平勝寶六年監真和尚來朝之時此八十經從身費來四十華嚴及清涼八十經大疏二十卷大同元年丙戌之歲弘法大師初傳此國當大唐第十一主

憲宗皇帝元和元年丙戌此四十經大唐貞元十二年
年初譯名貞元華嚴經譯後經十一年方傳此國天
平十二年始所講之者乃是舊譯六十華嚴新羅學
生大安寺審祥大和尚屬講弘之選初演此宗審祥
即往大唐隨香象大師學華嚴宗即是親承高祖之
名哲也既以勅詔為宗講師于時請慈訓小僧都福興
寺最初鏡忍僧都圓證大德以為復師請十六德為
其聽眾首尾三年講六十經一年二十卷三年之中
終六十卷以探玄記講六十經審祚禪師三年終經
天平十四年壬午奄焉率矣厥後即請前三復師立
為講師次第講敷言講師者讀經論文初開義途立

理願旨窮盡綱目言復師者講師初開義理之後別
時如前講文立義顯揚莊嚴講師所說講師所說如
如來初轉法輪復師重敷如舍利弗第二轉法輪昔
智勝如來初說法華經後十六王子覆說彼法華今
立講師復師即此等例講師沒時復師轉補三般講
師各二十卷三年繼續摠盡一部次請元興寺嚴智
大德以為講師標瓊律師并性泰大德為其復師亦
講六十經竟次智瓊大德以為講師澄毅大德春福
大德為其復師講六十經并疏二十卷畢奉始經之
日天朝行幸廬舍那佛前證明彼講自此以後古經
及疏新經及疏講演繁多不可數量上依別供緣起

載之言始經之日行幸者應是講始六經八經之日
言新經及疏者是判定記一十六卷釋八十經具言
續華嚴疏判定記清涼大疏未傳度前以判定記講
八十經東大寺者四聖垂應所建立也聖武天皇救
世觀音上官太子再誕良辨僧正弘勒垂化天竺婆
羅門菩提僧正普賢化身行基菩薩文殊應現或為
大檀主立大伽藍弘華嚴宗或為祈禱師奉授一乘
於帝王或為供養導師奉果穀願或為勸進梁棟奉
助御願自餘開眼睛翁傳戒雅樂乃至木工金師無
非皆是。大聖應作翁之所荷鯖者八十華嚴經是也
以東大寺是華嚴宗故化來者以經表彰南大門懸

大華嚴寺名額大佛殿二階之間顯恒說華嚴院靈
額寺內遍滿皆學華嚴自天平十二年至延曆八年
己巳合五十年恒說華嚴自後講說于今不絕論難
決擇任持法命良辨僧正臨終以華嚴宗付崇道天
皇崇道受囑於大安寺建立東院弘華嚴宗彼寺本
有審祥禪師曾講華嚴後更興之藥師寺正義大威
儀師者元是法相慈訓弟子慈訓兼學華嚴正義隨
慈訓亦學華嚴宗藥師寺亦有長朗律師者元是法
相學者正義奏聞以官府宣移長朗於華嚴宗長朗
隨正義學華嚴宗藥師寺有明哲律師隨慈訓學華
嚴長朗弟子有義聖律師於五教章多作私記錄長

朗義昔藥師寺如是弘通華嚴宗也西大寺亦兼弘
華嚴宗元興寺有嚴智大德弘華嚴宗大宋高僧傳
東大寺名為城大寺國分寺門懸金光明四天王護
國之寺名額是日本國惣國分寺門大護海內專保
天下國土豐樂隨由此門興榮弘法大師書此門名
額造梵天帝釋四大天王金剛力士形像安置額二
邊以示天等護國之相額之文字筆點有表國字極
大表國大榮國中王字體相極大表示帝德彌綸
昔天如是等也日本華嚴良辨為初興本願審祥是
初講祖師聖武天皇乃造寺興宗之大檀主三大
祖師建興一乘永世紹隆規矩在茲良辨上是有實

忠和尚是十一面觀音應迹自餘安寬律師鏡忍僧
都標瓊律師良興小僧都良慧大僧都永興律師忠
慧律師等並良辨門人各秉宗教橫豎流演實忠上
是有等定大僧都是桓武天皇御師範也桓武
天皇東宮已前於龜瀨山峯現師子無畏之身示大
聖老翁之姿師子復本形顯童子之形必是五髻文
殊童子等定拜之奉進臨幸於寺乃河內國西林
寺也彼寺是天智天皇之御願等定即是彼寺住僧
東大寺為本寺習學華嚴講敷不倦桓武天皇踐
祚之後修造西林寺興隆東大寺顯揚華嚴紹續圓
宗即以等定大僧都補東大寺別當等定大興宗教

雙建真俗延曆十九年等定奄逝春秋八十有餘西
林道場有等定房于後弘法大師自京往還高野常
宿等定遺房彼房于今安大師真影等定弟子有正
進律師進公授法于長歲和尚長歲兼因明師歲公
授法道雄小僧都道雄隨弘法大師傳受真言創立
海印寺弘華嚴圓宗兼真言城湏一方道雄授宗於
基海大德次良緒律師繼踵弘傳良緒之下有圓超
僧都有光智大僧都圓超延喜聖代獻華嚴宗并因
明日錄光智僧都日本華嚴第十代祖人王第六十
二代村上天皇御宇天曆元年歲次丁未當大漢高
祖開運四年丁未光智大德始建尊勝院為永代華

嚴弘通本處司彼院發之人即為日本華嚴宗貫首
光智已後乃至當代十有二代宗緒繼續建興二諦
紹隆三寶學侶並有鑽仰宗教法徒繼踵論難精詳
光智五世門業有良覺大法師覺公門人有如幻景
雅兩哲如幻僧都幡州立寺名曰性海大弘華嚴學
業不絕景雅法橋門人有高辨大德顯揚一乘播水
籃德開高山寺弘華嚴宗學業繁昌修練勇勵並是
本寺之清流圓宗之風芳者也辨曉法印者中古之
英近也論說兼備真俗並暢紹隆有功宗緒無墜宗
性權僧正者近代之名哲也智辨縱橫拖彌天之德
論難清推播經國之量華嚴因明俱舍法相皆悉研

究無不精詳諸宗奧旨兼暢無遺辨曉者後白河天皇御宇奉論說之勅詔宗性者後嵯峨天皇嘉運預智解之勸賞智德聯跡不愆昔日大日本國華嚴宗緒審祥良辨已來乃至當代貫首二十一代燈燈相傳學業繁昌法法流演紹隆連綿

俱舍宗

梵具言阿毗達摩俱舍此翻言對法藏此論從婆沙論而生焉婆沙解釋發智本論六足中義皆悉通會發智婆沙是對法藏今此俱舍全取彼名此乃全取他名有賤釋也是故取本名俱舍論俱舍為門兼研有宗諸論所說隨其章品彼此對當一一格之譜練

貫括有宗義理無不究盡光師寶師俱解釋論兼盤發智六足婆沙幽旨圓暉一師啻釋本頌而釋論難義無不皆註解唐朝解釋圓暉頌疏多家群起互諍金玉大日本國習學俱舍昔通諸寺各立義門附法相宗研竅此論元興寺護命明全等乃其人也護命僧正傳新羅智平法師義建立有為法體不生滅義餘先德等多是有為法體生滅義也東大寺自昔已來習學俱舍寺內所置八宗兼學雖俱舍宗附法相宗而滿寺皆學諸宗學者皆學俱舍中古已來華嚴三論兩宗學者各峙詞鋒互諍蘭菊兩宗學者自昔已來達有宗義善俱舍宗以東大寺為俱舍本處自

昔學者鑽仰功多發智六足貫括曾內俱舍婆沙包
納肝底正理顯宗懸味舌端法勝雜心浮見眼前依
毗婆沙作問答或言徠意許轉變相反忽聞問題令
感人心如難提菩薩試阿羅漢似大乘論中轉變秘
密義如是學者充滿寺中是東大寺俱舍宗不共德
也華嚴三論兩宗學者既皆兼學有宗俱舍其師資
相承事全同二宗血脈而或有承異師是隨時宜而
已中古有秀慧顯範覺雄尊玄四英如須弥半腹有
四天王焉各研有宗同婆沙四評家次有覺澄貞禪
義海承信四哲俱舍婆沙瑩玉發智六足懸鏡論難
縱橫決斷任運近代有良忠聖禪兩德如孔門淤夏

同什公肇毅次有快圓定春兩雄是有宗之龍寫毗
曇之麟鳳也彼同時有華嚴貫首權僧正宗性上綱
非唯華嚴因明為最極上首亦兼研俱舍宗薩婆多
宗深義奧理探贖究底洞微盡幽大解孤絕之德深
智獨標之譽如日輪映眾光同大海吞眾流若有難
決之義共聖禪語詩耳當代滿寺俱舍學侶相繼不

絕論難彌昌

成實宗

成實論宗由來良久日本佛法初傳之時成實宗與
三論宗同時傳來是故後代以成實宗附三論宗
聖德太子作三經疏以成實論為法相門依光宅義
以立義門光宅法師是成實師正弘大乘而以成實

判法性相高麗慧慈慧觀百濟慧聰觀勒並三論宗
法輪之匠此爲初起後漸傳敷此等諸師皆通成實
太子以慧慈慧聰觀勒爲師習學佛法即是三論成
實宗義而已昔百濟道藏法師造成論疏有十六卷
上古傳來于今有之昔以成實即附三論自爾已來
彼宗之人相承習學東大寺三論宗昔日兼學成實
論宗講成實論以道藏疏又有成實義章二十三卷
未詳誰造又有成實義林二卷成實學有翫此等章
講論談疏昔日已來中古已前人各策勵元興大安
西大法隆學三論處皆兼成論昔西大寺三論宗玄
穀律師作三論大義抄即成立成實宗附三論宗之

義俱舍附法相宗彼抄具明之東大寺中古已來三
論宗學侶雖不別講成實論而淨影大乘義章明三
宗中有成實義故彼宗人知成實義嘉祥大師章疏
文中多舉成實論宗之義破之折之淨影章中猶多
明成論義故後代學侶知成實義要在三論宗學者
之中成實論宗相承次第應知其相淨影義章三宗
義者毗曇成實大乘是也若依此義學彼章人亦知
毗曇道基法師攝論義章有十四卷亦明三宗毗曇
成寶攝大乘宗彼師亦作阿毗曇章十五卷明毗曇
義其中徃徃明成實義成實宗緣起如是
三國佛法傳通緣起卷中

三國佛法傳通緣起卷下
漢其年... 佛法... 宗... 僧... 尼... 戒... 具... 受... 戒... 禪... 藏... 等... 三... 尼... 遂... 往... 百... 濟... 十... 戒... 六... 法... 具... 戒... 具... 不能... 受... 戒... 禪... 藏... 等... 三... 尼... 遂... 往... 百... 濟... 十... 戒... 六... 法... 具... 戒...

三國佛法傳通緣起卷下

東大寺沙門 凝然 述

律宗

律宗教法其來尚矣 欽明天皇御宇壬申佛法初

傳厥後連續佛法漸傳壬申已後經三十七年第三

十三代 崇峻天皇御宇元年戊申從百濟國獻於

佛舍利及僧畫工于時馬子宿祿請百濟僧問受戒

儀式彼僧答云僧眾受戒以十人五人行之尼眾受

戒於彼尼寺先行本法後往僧寺隨僧受之尼眾亦

往二眾具足於中受之此國尼眾無其行法二眾不

具不能受戒禪藏等三尼遂往百濟十戒六法具戒

三重皆已成就經三年歸尼寺儀式移此而來三尼
已歸他國僧衆來朝是多然人數不足諸緣不具尼
衆受戒其事全無他國僧衆即彼國中如法僧人此
國初起非如法受唯是相似緣不具故而僧極多不
可稱計推古天皇御宇三十二年甲申四月戊午
詔曰自今以後任僧正僧都應檢校僧尼即九月丙
子校寺及僧尼當于是時寺四十六所僧八百十六
人尼五百六十九人云即以百濟僧觀勒初爲僧正
法務明年乙酉以高麗王貢僧慧觀補任僧正如是
雖有僧尼二衆未行如法受戒儀式第三十二代考
德天皇御宇白雉二年辛亥十二月晦日於味經宮

請二千一百餘僧尼使讀一切經如是衆僧非儀式
受第三十八代齊明天皇御宇六年五月有司奉
勅造一百高座一百衲袈裟設仁王般若之會第
四十年代天武天皇御宇白鳳四年乙亥四月請僧
尼二千四百餘人大設齋會僧尼雖多未傳戒律天
武天皇御宇詔道光律師爲遣唐使令學律藏奉勅
入唐經年學律遂同御宇七年戊寅歸朝彼師即以
此年作一卷書名依四分律抄撰錄文即彼序云戊
寅年九月十九日大倭國淨御原天皇大御命勅
大唐學問道光律師撰定行法上奧題云依四分律
撰錄行事卷一上淨御原天皇御宇已遣大唐令

學律藏而其歸朝與定慧和尚同時道光入唐未詳
何年當日本國天武天皇御宇元年壬申至七年
戊寅歲者厥時唐朝道成律師滿意懷素道岸弘景
融濟周律師等盛弘律藏之時代也道光定謁彼律
師等習學律宗南山律師行事鈔應此時道光實來
所以然者古德記云道宣律師四分律鈔自昔傳來
而人不讀披空送年月爰道融禪師自讀披之為人
講之自爾已後事鈔之義人多讀傳取上道融并智
璟皆是通達律藏之人道融禪師聖武天皇御宇
天平年中朗辨僧正由靈夢告請道融禪師為說戒
師行布薩法此即梵網菩薩說戒即請智璟法師令

講行事鈔此即世間漸講律藏然未行彼受具戒法
如賢璟言鑒真和尚已前諸僧皆依瑜伽行三聚淨
戒自誓作法其從他受亦受三聚成七衆戒賢璟大
德於維摩堂與思託律師論難之時即立此義成立
通受比丘得具足戒之義如行基菩薩隨德光法師
受具足戒者即是通受從他行相天武天皇御宇
戊寅已後經五十九年至聖武天皇御宇天平八
年丙子大唐道璿律師來朝此時多賈華嚴章疏及
律宗行事鈔等來朝璿公住大安寺恒講律藏行事
鈔等厥時人多習學律藏即於大安寺最初講行事
鈔善俊律師等明律名匠即說門人也道璿律英雖

先來朝僧衆不足不能盡行結界登壇受具戒法帝
恒講敷律藏而已天平丙子已後經十九年至第四
十六代女帝高野姬孝謙天皇御宇天平勝寶六
年甲午鑒真和尚來朝當大唐第六主玄宗皇帝
天寶十三年甲午午時鑒真年六十七欽明天皇
壬申已後至此甲經二百三年於其中間雖有受戒
於百濟學律於大唐律師來朝等之事而諸緣未備
不行壇法鑒真勝寶五年十二月二十六日入大宰
府遣唐使等此年歸朝明年勝寶六年甲二月四日
鑒真入京今取此年爲其初基數時方齋鑒真入京
已前數日之間僧衆俗侶遠徃遣使慰勞迎接其事

極多入洛之日勅遣正四位下安宿王於羅城門外
迎拜慰勞引入東大寺安置同月五日唐道璿律師
天竺婆羅門菩提僧正各來慰問右大臣大納言宰
相已下官人百餘人來禮拜問訊後勅使正四位
下吉備朝臣真吉備來口詔曰大德和上遠涉滄波
來投此國誠副朕意慶喜無喻朕造此東大寺經十
餘年欲立戒壇傳受戒律自有此心日夜不志今諸
大德遠來傳戒冥契朕心自今已後授戒傳律一任
和上又勅僧都良辨令錄諸臨壇大德名進內不
經於月勅授傳燈大法師位其年四月初於廬舍
那殿前立於戒壇天皇初登壇受菩薩戒次皇右

皇太子亦登壇受戒尋為沙彌澄修等四百四十餘人授戒又舊大僧靈福賢璟志忠善頂道緣平德忍基善謝行潛行忍等八十餘人捨於舊戒重受和上所授之戒後於大佛殿西別建戒壇院即移天皇受戒壇之士築以作之過海大師大唐天寶二年癸未乘船離唐當日本國天平十五年癸未逆浪五迴第六度時著日本地其間若難經十二年去天平五年癸酉勅興福寺永穀禪師大安寺普照大德入唐留學并請傳戒律之僧先請東都大福光寺道璿大德令向日本道璿年三十五天平八年丙子當唐開元二十四年丙子隨副使中臣朝臣名代之舶方

來朝矣而師僧不足不行壇法穀照二德留唐學問具經十年欲歸日本天寶元年壬午詣大明寺請鑒真師酬雅請故明年發足而天平勝寶六年癸巳來朝傳律授戒宿誓滿足鑒真和尚是天台宗第四祖師從天台取若從南岳取者是第五世隨弘景禪師受具足戒并學天台教弘景是南山律師親度授具弟子隨章安大師學天台宗鑒真隨道岸律師受菩薩戒即是三聚通受之法隨融濟律師學南山律鈔業疏輕重儀等道岸融濟並南山道宣律師受學弟子弘景融濟俱釋南山律鈔鑒真隨西京禪定寺義威律師聽法勵律師四分律疏一遍次就西明寺遠智律師聽彼疏一遍

次於東京授記寺從金修律師及慧策律師聽彼疏各一遍後隨西京觀音寺大亮律師聽礪疏五遍前後始終學相部大疏摠獲九遍上之諸師並西塔滿意律師受學門人也鑒真受具五夏之中如是遊學究礪宣宗年二十六講礪律疏至三十一講南山鈔及輕重儀年至四十講羯磨疏其後迄六十六四部文籍常恒講說定慧證修內外該亘天台教觀研究精詳五乘洞達三藏通曉淮南江北傳燈明朗修造故寺八十餘所繼納袈裟一千領布袈裟二千領供五臺山衆僧寫一切經三部各一萬一千卷其先所造石埵浮圖忽然放光和尚顯現菩薩三目六臂自

名般若仙爲講說靈驗唐朝諸人胡國崑崙新羅等入皆以鑒真爲受戒和上講四分律及法礪疏滿四十遍講律鈔七十遍講輕重儀十遍講羯磨疏十遍親度僧尼四萬有餘厥中智行拔群者四十餘人各化一方俱是龍象皆究律藏兼研經論或是法相天台或是俱舍三論攝論維摩詰等衆典無不該暢和尚來朝之時隨身聖教廣多非一厥中律宗諸典天台諸文賈持是衆隨來弟子法進曇靜思託義靜法載法成等一十四人並是智解名哲皆兼台宗所立戒場有三重壇表大乘菩薩三聚淨戒故於第三重安多寶塔塔中安釋迦多寶二佛像表一乘深妙理

智冥合之相。鑒真和尚宗研天台律弘四分四分當宗分通大乘。況依內證天台教宗立壇弘律一乘法華開產顯妙毗尼學者即大乘學五篇七聚即摩訶衍第一義光非青黃等三歸五戒八戒十戒皆是一實妙摩訶衍梵網大乘三聚十重六八八萬頓說頓圓即與妙圓一味會同平等夷齊廢權絕待本來一實開發俱時法位居然待產顯妙徧外有圓和尚弘律猶非待產豈涉藏通共門之義當知純圓頓妙極戒所結戒場一乘頓極三聚圓壇登此圓壇受戒法者通受則頓發三聚普遍之體別受則成三聚周圍之義祖師和尚傳戒立壇高廣深妙意致如是諸宗

學人於此戒壇各受戒法隨宗立義皆是大乘一實境界鑒真和尚顯揚梵網彼經義途用撲揚疏及法銑疏而撲揚師依天台義廣作義疏後學法相專弘彼宗道璿律師註梵網經全依撲揚弘之遐邇法進僧都註梵網經全是台宗弘和尚化進公有功和尚以戒壇院及唐禪院讓干法進大僧都即為戒壇第一和上天台教觀二代弘之華嚴宗人登此寶壇受具足戒及三聚戒即得成就十玄六相四種法界舉一全收相即相入主伴具足重々無盡通別二門深廣戒法三論宗人此壇受戒即得成就依名入實甚深因緣見道無得無方圓戒普遍周通微妙自在法

相宗人受此戒法通包三聚蓋未來際一一戒具三聚戒義律儀一戒全同諸律本自應理同遍圓實真言行者登此壇上受具戒者即成秘密金剛不壞勝義行願三摩地壇五相成身四重曼荼六大相應佛性圓體唐招提寺豐安僧正戒律宗旨云此戒或名三摩耶或武名金剛戒或名佛性戒上已三摩耶戒即三聚法金剛寶戒及佛性戒即梵網中三聚通名俱舍成實隨入法相三論兩宗隨應依學大乘學人傍知小宗日本自昔唯有大乘學人行者本自無有小乘行人豐安戒律宗旨中云問大小二教律宗何攝答惣束諸戒學以為一宗之於我朝唯有菩薩律師

元來無為偏執局見小乘故四分律亦義大乘故宣律師四分律鈔中教授云發上品心言上品心者斷一切惡修一切善度一切衆生成佛從初迄今壇上師僧教授詞句在於茲也故戒律云所說諸功德皆共成佛道又若有自為身欲求於佛道當尊重禁戒此是諸佛教上已此中意云惣取一切大小二藏所說戒學以為一宗菩薩廣大之心惣攝一切法故以此國都無偏局小者故縱學四分小乘毗尼此亦都非偏小之教分通上乘義隣大極況非止此通大之教梵網極乘金剛寶戒宏宗心地深遠者乎南山大師圓教域心以此為宅攝諸戒學皆會大乘並契法性

即同瑜伽惣集蘊積三聚廣大甚深戒藏問瑜伽所
說云何圓教答天台大師判云彌勒以二番四悉壇
造地持論通華嚴上地持即是瑜伽菩薩地同本異
譯所釋華嚴既說別圓二教能通地持瑜伽豈無圓
教義乎今依圓教成立宗義頓入圓人不用開會經
小乘者必用開會法華唯被經小之者是故必用開
三顯一頓大行者唯是應用法華所入不應強同小
乘須開顯之者鑒真和尚傳戒已來以臨壇和上爲
律宗緒七大諸寺律師以戒牒爲任次第其事永代
于今不絕至習學律藏者雖諸寺有律宗唐招提寺
自昔相續鳥羽天皇御宇保安三年壬寅中川實

範大德造戒壇式中興戒律之時即彼上人往招提
寺傳受戒律自爾已來宗緒繼續鑒真和尚天平寶
字三年妃建唐招提寺安置佛舍利以持戒力鎮護
國家即掌地味知律法久住弘法礪律疏并定賓記
南山律宗等和尚在世住法務大僧都并僧正圓寂
之後贈大僧正焉天平寶字七年癸卯五月六日入
滅春秋七十六和尚以招提寺付如寶法載義靜三
人三人同心勸入造寺講學律法橫豎繁昌和尚有
十一人門輩各有從屬互燃一燈枝流繁廣不可勝
計且如寶小僧都弟子有豐安贈僧正豐安弟子有
道淨律師道淨授律法于仁階大德仁階授之真空

大德如此六代次第而來，又鑒真如寶豐安圓勝豐
慧安康如是六代，又鑒真法載真璟戒勝壽高增恩
安談喜寬如是八代傳持而來，此時即至人王第六
十一代。朱雀天皇御宇承平元年辛卯，自爾已後
任持寺院，繼續律法，宗緒不絕，橫豎甚多，而其名行
不記于世，人名難知。雖然習學不絕，宗寰相續，自承
平辛卯至第七十四代鳥羽天皇御宇大仁元年
戊子經一百七十八年，不知宗緒，人名厥後實範授
于菩提院藏俊，贈僧正俊公，授于覺憲僧正。覺憲授
于貞慶上人，貞慶授之于戒如，覺真乘心等。戒如授
之于不空院圓晴，大德唐招提寺覺盛大德等。此等

中古戒律相承，皆是學解傳持，不絕其後。第八十六
代四條天皇御宇嘉禎二年丙申，圓晴覺盛慈禪
穀尊四德自誓受戒，三聚通受，自爾已來如法持戒
如教，持律次第相承，充滿諸方，不可知數。比洛泉涌
不可棄法師入宋傳律四般，弘律南北多端，恐繫不

陳

天台宗

昔人王第四十六代孝謙天皇御宇天平勝寶六
年甲午，鑒真和尚實天台宗章疏而來，謂摩訶止觀
法華玄義法華文句小止觀六妙門等也。和尚門人
法進曇鸞思託如寶等並天台宗學者也。道璿律師
亦學天台鑒真和尚在唐之時，湛然法師記章未作。

然公天寶元年壬午年三十二出家同八年己丑三十九受具足戒當日本國天平勝寶元年己丑然公自俗習天台教鑒真年五十六天寶二年癸未進發日本故湛然師雖學天台教未施記述鑒真不及費持來朝傳教大師作天台付法緣起三卷其中列道璿鑒真并其門人法進等為弘天台之近故彼文云大福律師先入和國乃傳圓明利益有情白塔僧統後遊日本復傳圓義開佛知見所以大安唐律注戒經於此蘓東大僧統注梵網於唐院兩聖用心弘天台義辟生同欽天上甘露上餘如彼明鑒真和尚既傳台宗于此國而未廣講敷先弘戒律故從勝寶六年

甲午至第五十代 日本根子皇統弥照桓武天皇御宇延曆二十三年甲申經五十一年當大唐貞元二十年甲申此年傳教大師奉詔入唐即謁天台山國清寺道邃和尚受學天台宗又隨佛瀧寺行滿座主學台宗教遇順曉和尚傳受真言教亦值道邃受菩薩戒延曆二十四年乙酉八月歸朝厥時天台教觀妙樂諸記餘師記述皆傳無遺然傳教大師入唐已前獲鑒真和尚將來天台教觀諸文研精洞覈方講三大部一遍已畢亦更講之至平未畢其後入唐值師受之歸朝之後弘之比叡山名延曆寺傳教大師諱最澄延曆四年乙丑年甫十九初住叡山作

建興務七年戊辰建立中堂大唐之人名之日本天台
台山大師延曆十六年丁丑齡三十一天心有感預
內供奉例以近江正稅充山供料大師發願寫一切
經論章疏等弟子經珍穀勝光仁等皆俱助寫又老
經藏妙勝等於七大寺勸經生之供大安寺僧闡最
於龍淵寺別院寺助成此願衆僧傾鉢添經生供事
果卷成延曆二十年辛巳最澄年三十五請七大寺
英哲勝猷奉基寵忍賢玉光證觀敏慈詰安福玄耀
等十大德於比叡峰一乘止觀院修法華十講自此
後代每年無關同二十一年壬午正月十九日朝議
大夫和氣朝臣弘世於高雄山延請七大寺高僧善

議勝猷奉基寵忍賢玉安福勒操修圓慈詰玄耀歲
光道證光證觀敏等十餘大德講演天台法門天
皇下勅穀威是深日本開天台會乃此爲初此年所
講即止觀玄義文句也大師此年初蒙渡海宣旨大
師弘天台於叡山門入極多俱學台教弘仁十三年
壬寅六月四日入滅春秋五十六先三十八渡海入
唐歸朝興宗一十八年弘仁十四年二月九日依勅
宣改叡峰一乘止觀院之名賜延曆寺名額貞觀七
年乙酉十一月依圓珍小僧都之奏贈号傳教大師
遷化之後經四十四年天台初傳鑒真和尚入唐傳
之大興此宗者傳教大師是其力也山門本願号爲

始祖有義真和尚元是大安寺與傳教師同住彼寺
與傳教同入唐同時學法俱歸本朝同興穀山爲穀
峯第一座首奉勅詔撰天台法華宗義集一卷於
延曆寺立菩薩戒壇傳教之時雖有奏聞七大寺六
綱訴詔不許天長十年癸丑七月四日入寂春秋七
十七諸從仰德号修禪大師仍次本願大師爲台教
宗緒圓澄大德傳教上足研精台宗大獲玄奧天長
十年癸丑任第二座首光定圓仁並傳教神足光定
繼素崇敬号別當大師圓仁阿闍梨後贈号爲慈覺
大師慈覺承和五年戊午年四十五入唐學法更習
天台大學真言在唐學法十年仁明天皇御宇承

和十四年丁卯歸朝厥後經十八年大弘顯密二宗
傳教大師初傳密教慈覺大師更傳真言山門真言
慈覺所傳後代繁昌橫豎弘興清和天皇御宇貞
觀六年甲申圓仁入滅春秋七十一夏臘四十九明
年乙酉傳教慈覺俱贈大師号金剛頂經蘇悉地經
各製七卷疏現行于世次有圓珍阿闍梨是義真和
尚上足精詳宗旨該博包攝第五十代文德天
皇御宇仁壽三年癸酉入唐學法干時年四十當唐
大中七年癸酉隨良諱和尚受學台宗隨般若怛羅
三藏法詮阿闍梨慧輪阿闍梨同受秘教盡兩部玄
奧在唐學法六年天安二年戊寅歸朝厥後三十四

年弘通顯密達興真俗第五十九代 字多 天皇御
宇寬平三年辛亥遷化春秋七十八贈号智證大師
智證弟子有增命良基康濟猷憲等各研教觀橫豎
流通智證門人皆在穀山弘通宗旨号山王院門流
是也後遷園城寺盛弘通顯密寺門天台別有相承
慈覺門人學侶極多慧亮安慧遍昭長意相應等也
安慧授法于安然然公亦承慈覺慧亮弟子有滿賀
賀公弟子有良源号慈慧大僧正慈慧門人有源信
覺運兩哲如次慧心檀那兩德後代各立門徒乃此
兩德門流慧心僧都門人有寬仰覺超等又皇覺範
源者慧心之清流永辨智海者檀那之榮葉俱流名

於遐邇飛威於遠近證真靜嚴並有耀法光顯真明
禪繼踵踏教迹天台座首為宗重職法緒胥焉繼續
無窮

真言宗

真言教法東流傳來濫觴由漸事非一途昔人王第
四十四代 元正天皇御宇養老二年戊午道慈律
師從唐歸朝在唐一十八年習學六宗三論為本入
唐已前隨義淵僧正學法相宗在唐六宗真言隨一
求聞持法特所精詳自行化他當以此法或云道慈
隨智鳳受求聞持法而年代可考道慈以真言法授
善議慶俊議公授之于勤操僧正勤操授求聞持法
于弘法大師大師入唐已前於阿州大龍寺七州室

戶崎等行聞持法道慈於唐隨善無畏三藏受學真
言開元四年善無畏來同六年戊午道慈還日本三
箇年中於唐傳受善無畏來大唐初譯虛空藏求聞
持法開元十二年甲子已前譯大日經并蘓婆呼蘇
悉地經三藏譯大日經爲弟子一行開講敷演一行
隨講聞即記錄此間定經年月日時隨講結集成一
經疏有二十卷然一行禪師開元十五年奄卒無畏
其後應來日域久日東邊立一基塔三年之後還下
大唐三藏於大唐國奄焉物故年九十九三藏裹至
而來根機未熟納經安塔于後弘法大師具感靈夢
即往彼寺獲大日經以此緣故有入唐志善無畏三

藏來朝之年雖無記錄應是聖武天皇御宇神龜
季曆天平初運此數年間弘法大師延曆二十三年
甲申越海入唐遇青龍寺慧果阿闍梨兩部大法秘
藏與旨窮究淵府傳受已畢平城天皇御宇大同
元年丙戌歸朝歸朝之年當大唐第九主德宗皇
帝貞元二十二年丙戌大師年三十三比叡傳教大
師與弘法同船入唐彼學天台教觀兼傳真言即值
順教和尚傳受兩部秘法明年延曆乙酉歸朝天台
教觀并真言教弘之叡岳弘法大師專學真言傳多
秘藏歸朝弘通普天歸宗諸方傳受自爾已來諸德
間出越海求異各傳密乘歸朝弘之古來諸德入唐

傳密前後連續，摠有八家。一傳教大師二弘法大師
三小栗常曉和尚四靈巖寺圓行和尚五穀岳慈覺
大師六安祥寺慧運大僧都七穀岳智證大師後名
寺八圓覺寺宗叡僧正名之物，爲八家真言。雖有八
家朝宗，所歸不過東寺天台兩流。傳教慈覺智證三
流，並是天台餘。皆東寺然所立，義途所歸。與旨孤絕，
獨步達興高卓。唯是弘法大師所傳，東寺真言所趣
而已。依大日經菩提心論等，立十住心攝一切教所
立真言。天超顯宗，出華孤標，極秘深奧。弘法大師興
秘宗時，顯教諸宗或有敵論，或有對談。大師直現祥
瑞顯覺頓極諸宗信伏，無敢措言。弘法大師承和二

年乙卯三月二十一日，於高野山入定受法。弟子有
若干人，各研秘藏，橫豎流演。第三世下，頓分小野廣
澤兩流。乃益信聖寶兩哲，其人也。至千後代，漸出派
流。燈燈相承，流流互潤。各播威肅，俱彰靈德。諸流義
途衆門，理致所立非一。所說是多，非可具陳。豈言盡
哉。

上來略陳八宗所傳之緣起，竟然震且國弘通禪法。
是達磨大師所傳，宗旨也。道璿律師傳北宗禪，授之
大安寺行表和尚。行表授之傳教大師。傳教受之弘
千穀山南宗禪法。昔未傳之近代，禪師或從唐而來
此，或從此而往還。皆是南宗其事甚多，非可數盡。震

且諸師弘淨土法日本光德不立為宗諸宗先哲各
隨自宗立義陳宗弘通而已近代源空上人已後立
淨土宗弘通世間空公門人各立徒屬義途極多破
立無窮其事繁廣不能具陳若加此二應是十宗佛
法旨歸無過此數功業不虛必成二利而已

三國佛法傳通緣起卷下

干時應長元年癸七月五日於東大寺戒壇院
述之 華嚴宗沙門 凝然 春秋七十二
造此三國佛法緣起三卷奉為 睿覽獻上
大覺寺法皇御所于此 御所叡惑以此

草本最初寫之畢

沙門 凝然造此佛法緣起并十重唯識瓊
鑑章一卷心要義鑑一卷進覽之其中十重
唯識者奉 勅命於御前委細講讀之了彼
十重唯識之後顯示華嚴宗義諸門八十餘
科法門長行問答略釋後拳偈頌頌有八十
五條八十三頌皆綴四韻於中二頌五言四
韻唯識摠結八韻述懷四句二韻愚草遊心
頌百首之內抽出八十三頌載之心王等五
種唯識本覺業等九相及三祇頌合十七條
不載之彼載列諸頌瓊鑑唯一本書在

法皇御所而已

戒壇示觀律師學該乎三藏智辨汗瀾焉空
有性相猶庖丁之於牛也且所遺之心盡凡
千有餘卷焉然不出卷而投諸宗之間域知
三國之傳通者莫若乎斯書也苟從事于此
者豈不云乎回千里之迷途者一呼之力也
不遇於斯說則吾終昧於大方者邪所恨未
約刊行所利不廣仍命工鋟板云爾



應永元年正月日

寬永九年壬申年極月日

村上平樂寺開板

文政元年十月十一日再讀此書

振齋望之

振身書

振身書
五
不

Vertical columns of faint, illegible text, possibly bleed-through from the reverse side of the page.

反

